

1 大崇聖寺碑銘 并序

2 翰林侍讀學士知 制誥同脩國史受中奉大夫雲南諸路行中書省參知政事李原道撰

滇城苾芻 念菴 圓護 書丹

3 大素彫而皇極立。太陽昇而燭火息。聖人作而海宇一也。昔在

4 世祖聖德神功文武皇帝。以仁聖之姿。貴介之弟。肅振天威。奮揚神武。大舉六師。總征雲南。一鼓而出蕭關。再駕而克大理。惟大理西南夷之巨防。段氏國

5 之餘三百年。天戈一舉。望風底定。而居民安堵。不知有兵。段氏族屬皆在保宥。使永其世祀。巍巍乎聖人之一海宇神武不殺之仁。振古蔑以加矣。南方

6 既平。悉郡縣之控。以大閩大理亦釐為一郡。以段氏宗子襲為長民。中順大夫摠管隆之祖。實中奉大夫雲南行中書省參知政事。贈武定郡公。拳勇有

7 大度。留心內典。崇信三寶。謂干戈俶優。繫佛力攸賴。蒙被

8 世祖好生之德。一門生聚。不隕鋒鏑。於是發願大建佛宇。以報慈氏無上之恩。延洪我

9 皇元萬世靈長之祚也。大理崇聖寺者。在郡之點蒼山下。蒙氏之所創也。寺既灾。武定公為大檀越。出己財。繕治莊嚴。經像殿廡。煥然復新。三塔峙立。金碧

10 交輝。巨麗與山坪望之。如崑閩間物。捨田供僧。日百許人。住持僧曰覺性也。兩被

11 聖書覆護。寺益顯矣。予自翰林國史出參滇省之歲。隆遣介走書請曰。昔者清獻趙公知杭。以龍山妙因院為錢氏表忠觀。文忠蘇公文而碑之。以紀錢氏

12 之勳。我先人臣屬

13 天朝。勤勞王家。建崇聖佛刹。思報國恩。敢請大史之文。如錢氏故事。刻先世功德于寺。以垂示方來。予按吳越國王錢俶三世。歷八十一年。以十三州之地歸

14 命于宋。未聞有宣力四方之功也。段氏以三百年幅員萬里之土。納款於我。歲癸丑之後。厥祖摩訶羅瑤奉命四征不庭。至於宋境。深入邕廣日南之區。

15 而死於事。中統初。武定公入觀。

16 上嘉之。錫以金虎符。俾領舊土。公受命以來。益自奮勵。撫綏蠻夷。獎練士卒。功鄴闡。下石城。克新興。取尋甸。挫舍利。畏三十萬肅集之師于滇海之上。破釋

17 多羅十餘萬寇抄之眾于洱水之濱。有

18 制褒之。若曰。段實欵附而來。忠勤益著。庸示至優之渥。以彰同視之仁。大哉王言。以見公之忠勳。簡知于上。當不在錢氏下。顧斐然之文。不足以發明其

19 蘊。惜無文忠公之筆。以表揚之也。子慶番侍

20 春宮。父子竝以宣慰元帥之節。繼參大政。始終七觀

21 闕庭。賞賚無筭。褒大推崇。生榮死哀。以裕厥家。諸孫之為方伯連帥者。又十數人。嗚呼

22 國家所以待段氏之意。可謂渥矣。豈佛之力。有以陰相之乎。而段氏所謂思報

23 國恩者。將安取衷也。嘗試論之。天地之大德曰生。聖人法天地之道。以行其道。而運不息之機焉。猶之雨露不擇地而墮。庶類蒙之以生植。無非過化存

24 神之妙。蓋有無迹之迹。不然而然者。天何嘗責報於人哉。人蒙厚施而不食其報。亦理之常。無足怪者。而西方氏之法。至神無私。有感必通。正智無情。在

25 機必兆。而有善惡之報也。為段氏之子孫者。無他焉。在乎遷善遠惡。毋羞爾祖。厲爾民。以悲願愍生識。以忠勤報

26 國家。如斯而已矣。夫如是。天其必有以佑之。我佛果有以陰相之。天人相感。將見彼爾休風。介爾冥福。不特若子若孫。克永其世祀。一方生民咸躋仁壽之域矣。乃

27 系之以銘。銘曰。 蒼山趾兮洱水壩。蔚紺宇兮浮青蓮。旃檀赫兮廓祇園。白毫相兮紫金田。維能仁兮天中天。日證果兮道本圓。慈舟泛兮達尼連。慧炬燭兮

28 光大。千十億化兮同一原。八萬總兮歸一言。超眾妙兮觀八埏。矧南荒兮渺乎滇。啓香城兮結勝緣。利舍生兮富黎元。鯨息波兮輪在淵。揚大法兮尊大仙。

29 帝齡永兮萬斯年。 泰定二年歲次乙丑夏六月辛卯中順大夫大理軍民摠管段信直隆立石。

30 同副都綱通□□置□□□稻田壹百□□永為常住。

同副都綱通□□置□□□稻田壹百□□永為常住。

1) L'estampage que m'a remis M. GERVAIS-COURTELEMONT mesure 1 m. 06 de large sur 1 m. 90 de haut.